

S'ò fòs te lune

(1998)

'O larès lassù te lune
par cirì di vivi miôr,
puartarés cun me la scùne
par durmì cence rumôr.

Jò no sai sa 'l'è pussibil,
jò no sai so soi sumiât,
une gnòt che ben durmivi
mi pareve .. Realtât.

Tune gjolde che jo stevi,
sul plui bièl mi àn clamât,
sbarlumît ormai co jeri,
par dispièt mi àn sveât.

E di colp 'o ài sintude

Poesie e Racconti Friulani

dulintôr la confusion;
vâ di corse a preparâti,
jù, mangjà di scjafojon.

Svelt, il timp al svolle vie
e l'orari 'le passât,
je la scuele che ti spietel!
Simpri tùchel imbranât.

Oh ce biel s'o fôs te lune
in chel mont cidin ch'al tâs,
di premuris mai nissune,
chest il vivi che mi plâs.